

Petrosay Awali Kágad

¹⁹ Paméshká, á ke gón Hodáay razáyá sakki o sóriáni tahá kaptagant, watá may jórh kanókay sepordah bekanant ke wapádár ent o nékén kár kanán bebant.

Hodáay ramag

5 ¹ Man wat ke cha kelisáy kamáshán yakké án o Masihay sakki o sóriáni sháhedé án o áiy paddar bayagién shán o shawkatá sharikdár án, shomay nyámá harché kamásh hast, cha áyán mani dazbandi esh ent ke: ² Hodáay ramagay shopánki o chárágá bekanét ke shomay sepordah kanag butag. É kárá pa nádelkasshi makanét, pa del o setk bekanéti hamá dhawlá ke Hodá lóthit. Gón hobb o hodónáki bekanéti, pa wati jenday nap o suttá makanéti. ³ É ramagay sará wájahi makanét ke shomay dastá dayag butag, pa eshiá sharrén mesálé bebét. ⁴ Padá wahdé masterén shopánka kayt o paddara bit, shomá shán o shawkatay hamá tájá katthét ke hechbar gár o zawa lá nabit.

⁵ Oo warnáyán! Anchosh shomá ham wati masterénáni parmánbardáriá bekanét o gón yakdomiá békébr o darbéséh bebét, chiá ke:

“Hodá porkebr o gorunákén^q mardománi démá mohra óshtit,
bale békébr o darbéséhén mardománi sará wati rahmatána gwárénit.”

⁶ Paméshka, Hodáay porwákén dastay chérá watá békébr o darbéséh bekanét tánke á, wati gisshéntagén wahdá shomárá borz o sarperáz bekant. ⁷ Wati sajjahén gam o paréshánián hamáiy sará yalah kanét, parchá ke áiá shomay hayál gwar ent. ⁸ Grán o sangin o hozzhár bebét, chiá ke shomay dozhmen, Shaytán, chó shérá gorrán ent o shóházá ent ke kojá shekáré berasiti tán bederrit o éri bebárt. ⁹ Shaytáy démá bóshtét o wati báwará mohr o mohkam bedárét. Bezánét ke hamé paymén sakki o sóri jahánay é dega jághán ham shomay brátáni^r sará bayagá ent. ¹⁰ Nun Hodá, ke sajjahén rahmatáni málek ent o shomárá cha Masihay ráhá dém pa hamá abadmánén shawkatá gwánki jatag, shomay kammén sakki o sóriay saggagá rand, shomárá nóksará twána dant, mohr o mohkama kant o páydári o zóra bakshit. ¹¹ Wák o kodrat tán abad hamáiyag bát. Anchosh bát, ámin!

Goddhi habar

¹² É gwandhén kágadon gón Silwánusay^s komaká nebeshtag, ke áiá wapádárén bráté zánán, tánke shomárá delbadhí bedayán o gwáhi bedayán ke Hodáay rahmatáni hakkén ráh hamesh ent. Hamé ráhá mohr bóshtét. ¹³ Cha hamá bánokén goháray némagá shomá sajjahénán drud o drahbát sar bát ke Bábelay shahrá ent^t o gón shomá hór gechén kanag butag. Cha mani chokk, Markásay némagá ham shomárá drud o drahbát berasát.

¹⁴ Gón pormehrén chokkagán yakdegará drahbát begwashét.
Shomá sajjahénán sohl o émeni sar bát ke Masihay arwáh o jabiná ét.

^q5:5 Gorunák, bezán magrur.

^r5:9 “Brátay” máná har báwarmand ent, mardén o janén.

^s5:12 Silwánus hamá Silás ent ke Kásedáni Káray ketábá ham áiy nám geraga bit.

^t5:13 Bábelay shahray bánokén gohár, Bábelay shahray kelisá yá Rumay shahray kelisá buta kant.

¹³Nun ke shomá pa nékén káráni kanagá wáhagdár ét, kay shomárá tawán dátá kant? ¹⁴Agan pa shomay nékén kárán shomará ázár berasit, angat ham shomá bahtáwar ét. Cha áyáni pátrápán matorséti o paréshán mabét. ¹⁵Bass, wati delá Masihá Hodáwand bemannét o hamáiá sharap bedayét. Agan kasé shomay ométag sawabay jostá bekant, modám pa passaw dayagá tayár bebét. ¹⁶Bale é kárá gón narmi o pa sangini bekanét. Wati jabin o wejdáná pák o sáp bedárét, tánke shomárá bad o rad gwashagay wahdá, á mardom gón shomay nékén Masihi kerdáray gendagá cha wati zá o zakatán pashal o sharmendag bebant. ¹⁷Paméshká, agan Hodáay razá bebit ke sakki besaggét, gorhá badén káráni sakki sagtagay badalá, nékén káráni sakkiá besaggét. ¹⁸Masihá ham yak baréti pa may gonáhán sakki sagget, bezán á “Nék o Páká” pa gonahkárán wati ján nadr kort tání mårá^o pa Hodáyá sar bekant. Masih jesmi koshag but bale Ruhá zendag kort.

¹⁹É, hamáiay Ruh at ke bandigén arwáháni nyámá shot o pa áyán járé jati, ²⁰hamá arwáh ke gwastagén zamánagá náparmáiesh kortagat, bezán Nuhay zamánagá ke bójig addh bayagá at o Hodá gón sabr o ópár wadárig at, bale kammén mardomé, bezán tahná hasht mardom cha ápay ráhá rakket. ²¹Hamé áp shomay pákhódiy mesál o nemunah ent ke annun shomárá rakkéni. Pákhódi jesm o jánay zaheri chellán páka nakant, é pa pákén wejdán o jabiná gón Hodáyá shomay dazbandi ent ke cha Issá Masihay jáh janagay wasilahá shomárá rasit, ²²hamá Masih ke ásmáná shotag o nun Hodáy rástén némagá neshtag o préshtag o zór o wák, hamáiay dastay chérá ant.

Gón Hodáyá wapádári

4 ¹Nun hamá dhawlá ke Masihá wati jesm o jának sakki sagget, shomá ham pa anchén káréá tayár bebét, parchá ke har wahdá kaséá mán jesmá sakki saggetag, cha gonáhá rakketag. ²É paymá, nun á wati mantagén jesmi zendá ensáni lóth o wáhagáni sará nagwázénit, Hodáy wáhagáni sará gwázénit. ³Shomá bázén wahdé hamá káráni sará gwázénit ke Hodánábáwarén^p mardomán dósta bant, chó ke badkári, hawá o hawass, hanósh o bésári, sharábwáriy mahpel, aysh o nosh o botparasti ke gandahén káré. ⁴Nun wahdé á gendant ke shomá é radén káráni hár o hirrójá áyáni hamráhá nabét, hayrána bant o shomárá bad o rada gwashant. ⁵Bale é mardomán hamáiay démá jwáb dayagi ent ke pa sajjahén zendagén o mortágénáni dadrasí tayár ent. ⁶É dhawlá, Hodáy wasshén mestág pa mordagán ham rasénag but, ke sajjahénáni dhawlá áyáni jesmi dádrasi butagat, tánke arwáhesh Hodáyay paymá zendag bemánant.

⁷Donyá zut halás bayagi ent, paméshká gón shehm o rahdáriá watá grán o sangin bedárét tán dwá kort bekanét. ⁸Cha sajjahénáni masterén gapp esh ent ke yakdomiá pa del o setk dóst bedárét ke mehr, bázén gonáháey bakshagay sawabsáza bit. ⁹Bé norondhagá wati lógyap dapá pa yakdomiá pach bekanét. ¹⁰Shomá har yakkéá cha Hodáyá hásén twáne rasetag. Amánatdáráni paymá, Hodáy tahr tahrén nyámatán pa yakdomiay hezmata kár bebandét. ¹¹Kasé ke habara kant, Hodáy jenday habarán bekant o kasé ke hezmata kant gón Hodáy dáttagén zór o wáká hezmat bekant, tánke Issá Masihay wasilahá Hodáyá satá o saná berasit. Sajjahén shán o shawkat o zór o wák tání abad hamáiay bánt. Anchosh bát, ámin!

Issáy sawabá sakkiáni saggag

¹²Oo dordánagán! Cha hamá ásén chakkás o ázmáeshán hayrat makanét ke shomay chakká kapant o wati delá magwashét ke: “É ajabén káré gón má bayagá ent.” ¹³Tán ódá ke gón Masihay sakkiáni saggagá sharikdár ét gal o shádán bebét, tánke hamá sáhatá ke áyay shán o shawkat paddara bit, shomá ham wassh bebét o békesás shádmáni kort bekanét. ¹⁴Agan Masihay námay sawabá shomárá zá o zakata kanant, shomá bahtáwar ét, parchá ke Hodáyay porshawkatén Ruhá shomay delá jághá kortag. ¹⁵Watá pahrézét ke cha shomá kasé hóni, dozz, radkár o pléndh bayagay sawabá sakki o sóriáni tahá makapit. ¹⁶Bale agan kasé Masihi bayagay sawabá sakki o sóriáni tahá bekapit, cha eshiá pashal o sharmendag mabit o pa wati Masihi bayagá Hodáyá satá o saná bekant. ¹⁷Nun dádrasiy wahd átkag o é dádrasi cha Hodáy hándán o kahólá bendáta bit. Agan dádrasi cha Hodáy hándáná bendáta bit ke má én, gorhá á mardománi ásar o ákebat ché bit ke Hodáy wasshén mestágay namannók ant?

¹⁸“Agan pahréz kárén mardoméay rakkag chó grán ent, gorhá nábabáwar o gonahkáráni hál ché bit?”

^{o3:18} Lahtén syáhagay tahá átkag: shomárá.

^{p4:3} Asligén Yunáni nebeshtánka gwashit: “darkawmén”.

Petrosay Awali Kágad

Drud

1 ¹⁻² Cha Issá Masihay kásed Petrosay némagá, ¹pa hamá sajjahén darándhéhén mardomán ke Pontus, Galátiah, Kápádukiah, Ásiáá o Bitiniahay damagán sheng o sháng ant. Hodáyá cha wati pészánti o gón wati palgár kanókén Pákén Ruhá, shomárá gechén kortag tání Issá Masihay parmánbardáriá bekanét o hamáiay hón shomay sará páshag o dranzag bebit.

Hodáy rahmat o sohl o ásudagi shomay sará géshter bát.

Zendagén omét

³ May Hodáwandén Issá Masihay Hodáén Petá satá o saná bát. Cha wati sarréchéni rahmatá o gón Issá Masihay cha mordagán zendag bayagá, Hodáyá mårá nóksará péda kort tání mårá zendagén ométe berasit. ⁴Áiá pa shomá ásmáná mirásé ambár kortag ke é mirás hechbara napussit, gára nabit o abadmán ent. ⁵Shomá Hodáy sará báwar kortag o Hodá ham gón wati zór o wáká pa hamá rakkénagá shomay negahpániá kant ke tayár ent o áheri zamánagá paddara bit. ⁶É shomay shádmáni ent, toré shomá annun pa damánokéá gránéni wahd o chakkásán begwázénit, ⁷tán shomay báwar sohray paymá bebit ke cha ásay chakkásá gwastag o é mohr o mohkamén báwar, ke cha záwál bayókén sohr o teláhá báz géshtera karzit, Issá Masihay záher bayagay wahdá satá kanag o sárháyag o ezzat dayag bebit. ⁸Shomá Masihi hechbar nadistag, angat áiá dóstá dárét. Annun ham shomái nagendéti, bale áiay sará báwaró hast o hech labzé shomay porshawkatén wasshiá darshán korta nakant, ⁹chiá ke wati báwar o imánay morádá gendagá ét, bezán shomay jánay rakkag.

¹⁰Paygambarán hamé rakkagay báwará bázén johlánkén patth o pól kortag. A paygambarán hamé rahmatán bárbéhoi kortag ke shomárá rasagi at. ¹¹Masihay Ruh cha áyáni zobáná habar kanán o gwashán butag ke Masihá chónén sakki saggagi ent o randá áiá chónén mazanén shán o shawkaté rasit. Gorhá, á modám hamé johdá butagant ke bezánant Pákén Ruh kai bárawá habará ent o é kár kadéna bit. ¹²Pa áyán paddar butag, hamá wahdá ke habará atant wati hezmatá nakanagá atant, shomay hezmatá kanagá atant. Nun gón Pákén Ruhay zórá dega mardomán é wasshén mestág pa shomá raséntag, hamá Pákén Ruh ke cha ásmáná dém dayag butag. Pa é wasshén mestágay zánagá préshtag ham delmánag ant.

Pák bebéti

¹³Wati lánká bebandét o hozzhár bebét. Zendá pa shehm o rahdári^b begwázénit. Wati ométiá pa Hodáy hamá rahmatán bebandét ke Issá Masihi wati záher bayagay wahdá pa shomá raséntesh.

¹⁴Habarzurén chokkáni paymá bebét. Maylét ke shomay zend hamá dhawlá sellén wáhagáni dastá bebit ke shomay názántiay wahdá butag. ¹⁵Hamá dhawlá ke shomay gwánk janók pák ent, har káravá tahá shomá ham pák bebét. ¹⁶Chiá ke nebisag butag: “Man pák án o shomá ham báyad ent pák bebét”. ^{c17}Agan shomá Hodáyá wati Peta gwashét, ke á harkasay dadrasí bé ru o ryá,^d áiay káráni sará kant, gorhá wati darándhéhiaiy wahd o pásán pa sharap o ezzat gón Hodátorsi begwázénit.

¹⁸Shomá zánéti ke cha hamá náhudagén zéndá ke cha shomay pet o pirénán shomárá rasetagat, bahá zurag o rakkénag butagéti, bale gón nograh o sohrá na, ke abadmán naant, ¹⁹gón hamá báyab o békccahén gwarándh, bezán Masihiy bébabáhén hóná bahá zurag butagéti. ²⁰Masihi cha donyáyay jórí bayagá pésar gechén kanag butag, bale é goddhi róchán pa shomaygi átk o paddar but. ²¹Cha áiay wasilahá, shomárá Hodáy sará báwar hast, hamá Hodáy sará ke Masihi cha mordagán zendag kort o shán o shawkatí dát. Paméshká, shomá Hodáy sará báwara kanét o cha hamáiá ométwár ét.

^{a1:1-2} Á wahdá, Ásiáay máná annugén Torkiahay rónendi némag at.

^{b1:13} Shehm o rahdári, bezán Ordu o Pársiá “nazm o tartib”, Angrézi “discipline”.

^{c1:16} Láwián 11:44–45, 19:2, 20:7.

^{d1:17} Ru o ryá, bezán park o dark, Arabi o Pársiá “tab’iz”.

²²Nun ke shomá gón rástiay randgiriá watá pák o palgár kortag o gón yakdegará padelén mehray wáhond butagét, gorhá pa del o setk gón yakdomiá mehr bekánét. ²³Chiá ke shomárá nökén zend cha zawál bayókén tohmá narasetag, cha zawál nabayókén tohmá rasetag, bezán cha Hodáy zendag o abadmánén gál o habará. ²⁴Parchá ke:

“Ensán chó káh o sabzagá ent o
shán o shawkti chó káhay pollá.

Káh o sabzagá merant o poll ham kapant.

²⁵Bale Hodáwanday gál o habar tán abada mánit.”^e

É gál o habar hamesh ent ke shomárá mestág dayag butag.

Zendagén seng o dar chetagén kawm

2 ¹Paméshká, har paymén badi, makr o préb, dotal o dopósti, hasadd o kénagán cha watá dur kanét o hechkaséy poshtá bad o radén habar makanét. ^{2–3}Nun ke Hodáwanday néki o mehrabániay támó chashetag, nök pédá butagén nonnokáni paymá pa pák o ruhánién shirá shodig bebét tánke cha hameshiá dém pa wati rakkagá rodán bebét.

⁴Issá Masihay némagá byáét, hamá zendagén seng ke mardomán pasond nakort o nazort bale Hodáyá gechén kort o áiyay chammá Issá bémattah o porarzesh at. ⁵Nun shomá zendagén sengáni paymá pa ruhánién lóngéay bandagá kár bandag bebét, pák o palgártagén péshwá ham bebét o anchén ruhánién korbánig bedayét ke cha Issá Masihay wasilahá Hodáyá washnóda kanant. ⁶É hamá habar ent ke Hodáy Pákén ketábá átkag:

“Bechárét, man Sahyunay kóhá sengé éra kanán.

É seng bébahá o gechénien bonheshité.

Á kas ke eshiay sará báwar bekant,
hechbar pashal o sharmendaga nabít.”^f

⁷É seng pa shomá ke imánó áwortag porarzesh ent, bale pa áyan ke imánesh nayáwortag:

“Á seng ke bánbandén ostáyán 8 pasond nakort o nazort
hamá seng, bonhesht but.”^h

⁸o

“sengé ke mardomána thagalénit o
kóhé ke áyan dawra dant.”ⁱ

Áyáni thagal waragay sawab esh at ke Hodáy habaresh nazort. Áyáni ásar o ákebat hamesh at.

⁹Bale shomá Hodáy gechén kortagén bádsháhén ruhánién péshwá o pákén kawm ét, Hodáy jenday kawm ét o áia shomárá cha taháriá dém pa wati porshawkatén rozhnáiá gwánk jatag tán áiyay mazanén kárán jár bejanét. ¹⁰Pésará shomá kawmé naatét bale annun Hodáy kawm ét. Pésará shomárá Hodáy rahmat narasetagat bale annun áiyay rahmat shomárá gón ent.

¹¹Oo dordánagán! Shomá é donyáyá bégánag o darámad ét. Mani dazbandi hamesh ent ke watá cha á jesmáni lóth o wáhagán pahréz bekánét ke shomay ruhay helápá janga kanant. ¹²Nábáwaráni nyámá pák o palgárén zend begwázénét. Bell toré á, shomárá angat bohtáma janant o gwashant ke shomá radén kár kanagá ét, bale gón shomay nékén kárani gendagá, Hodáy áyagay róchá áia sharap o ezzat bedayant.

Ehtiárdáráni parmánbardáriá bekánét

¹³Shomá pa Hodáwandaygi, sajjahén ensáni ehtiárdáráni parmánbardáriá bekánét, bádsháhay ham ke cha sajjahénán master ent o ¹⁴hákemáni ham ke cha bádsháhay némagá pa radkáráni sezá dayag o sharkerdén mardománi sharap dayagá dém dayag butagant. ¹⁵Hodá lóthit shomá gón wati sharrén kerd o kárán ahmakén mardománi násarpadén habaráni démá bedárét. ¹⁶Shomá ázát ét, paméshká ázátén mardománi dhawlá zend begwázénét bale wati ázátíá hechbar pa radén kárán nimmón makanét, wati ázátíá pa Hodáy hezmatá kár bebandét. ¹⁷Harkasá ezzat bedayét o pa

^e1:25 Eshayá Nabiay Ketáb 40:6-8.

^f2:6 Eshayá Nabiay Ketáb 28:16.

^g2:7 Bánbandén ostá hamá ent ke lóngéay bandagá zántkár ent.

^h2:7 Zabur 118:22.

ⁱ2:8 Eshayá Nabiay Ketáb .8:14

báwarmandán hásén mehré delá bedárét, wati zendá pa Hodátorsi begwázénét o bádsháhá sharap bedayét.

Masihay sakki saggagay mesál

¹⁸Oo hezmatkárán! Wati wájaháni parmánbardáriá bekánét o áyan báz ezzat bedayét. Tahná narm o mehrabáni wájaháni parmánbardáriá makanét, trond o zórákén wájaháni parmánbardáriá ham bekánét. ¹⁹Wahdé shomá gón Hodáyá wapádár ét o náhakkén sezáyána saggét, shomay hamé sabr o ópár wat pa shomá sharapé bit. ²⁰Agan shomá pa radén káréa sezá dayag bebét, gorhá chón á sezáyá saggag shomárá sharapdára kant? Bale agan sharrén kár o kerdéy sawabá sakki besaggét, Hodá shomárá satá kant. ²¹Shomá pa hamé sakkiáni saggagá gechén kanag butagét, parchá ke Masihá ham pa shomaygi sakki sagget o nemunah o mesálé but ke shomá áiyay randgiriá bekánét.

²²“Áiá hech gonáh nakort o
kassárá prébi nadát.”^j

²³Bell toré béezzat kanag but, bale angat ham hechkasi béezzat nakort. Tantaná^k wahdé sakki saggagá at, kassi pátrápl^l nadát. Áiá Hodáy sará tawkal kort ke tachkén ensáp o dádrasia kant.

²⁴Aiá wat may gonáháni bár salibay sará wati baddhá laddhet, tánke gonáh cha may delá bemerit o pa néki o páki zend begwázénén, ke shomá cha hamáiy thapp o thórán dráh butagét. ²⁵Mésháni paymá gár o sargardán atét, bale nun hamáiy kerrá per tarretagét ke shomay arwáháni shopánk o sambálók ent.

Jan o mard

3 ¹Oo janénán! Hamé paymá, shomá wati mardáni parmánbardáriá bekánét, tán agan cha ²áyan yakké Hodáy habará mamannit, gorhá á gón habará na, gón wati janay kár o kerdáy gendagá Hodáy sará báwar bekant, ²hamá wahdá ke shomay Hodátorsi o pákdámoniá gendit.

³Shomay singár o palgár zaheri mabit ke: “Sará chón begwápén, chónón saht o zéwar per bekánén o chónén god bepóshén.” ⁴Eshiyá badalá, wati del o jabiná gón narm o áramén ruháy páydárén zébájá besingárét, ke pa Hodáyá é chizz báz borarzesh ent. ⁵Kwahnéh wahd o zamánaná anchosh butag o pák o nékén janén ke ométesh pa Hodá butag, wati wati mardáni parmánbardáriá singáretagesh, ⁶anchosh ke Sárahá Ebráhémay parmánbardári kort o wájah o masteri gwasht. Agan shomay kár nék o sharr bebant o maylét ke chizzé shomárá betorsénit, shomá ham hamáiy chokka bét.

⁷Oo mardán! Shomá ham gón wati janán pormehr bebét ke cha shomá názorkter ant. Janén gón shomá zendmáñay porbarkatén thékiá sharikdár ant. Áyán ezzat bedayét, tán chosh mabit ke shomay dwá eshkonag mabant.

Rástiay ráhá sakkiay saggag

⁸Néth,^m shomá sajjahén yakdel o hamdard bebét, gón yakdomiá mehr bekánét, narmdel o békébr bebét. ⁹Gón hechkasá badiay badalá badi makanét. Agan kaséá shomárá zá o zakat kort, áiá zá o zakat makanét, eshiay badalá pa áiá nékén dwá belóthét ke pa hamé kárá gwánk janag butagét o cha hameshiá shomárá barkata rasit. ¹⁰Paméshká:

“Á kas ke zendmáñay wáhagdár ent
wasshén róch gendaga lóthit,

áiyay zobán cha badiá dur bebit o

lonth cha makr o prébá;

¹¹cha badiá per betarrit o néki bekant;

sohl o émeni belóthit o hameshiay shóházá bebit.

¹²Chiá ke Hodáwanday chamm nék o pahrézkárén mardomán sakk ent o
góshi gón hamáyáni dwáyá ent.

Bale Hodáwand wati démá cha badkerdén mardomána tarrénit.”ⁿ

^j2:22 Eshayá Nabiay Ketáb 53:9.

^k2:23 Tantaná, bezán hattá, tán é haddá ke.

^l2:23 Pátrápl, bezán tahdid, damki.

^m3:8 Néth, bezán godhsará, áherá.

ⁿ3:12 Zabur 34:12-16.